

COMUNE DE MARA (SS)

Ordinàntzia N. 6 de su 31/05/2022

OGETU: PRESCRITZIONES CONTRA A SU FOGU PRO S'ISTIU 2022 –
INNETADURA ORTOS E GIARDINOS

PREMÌTIDU como chi est arrivende s'istiu est netzessàriu protzèdere a pònneru in campu unu programma de preventzione, cun sa punna de impèdìre sa nàschida e s'istèrrida de sos fogos e chi duncas si cheret apostivagare normas obligatòrias pro sos proprietàrios de terrinos chi sunt in totu su territòriu de su comune pro respetare carchi règula fundamentale;

SINCHERADU chi in su Tzentru Abitadu e fora de sa bidda de su Comune de Mara, in sas cortes de pertènèntzia de sas domos e in sas àreas non traballadas non si pulit dae su fenu, bi podent èssere fogos perigulosos pro s'incolumidade pùblica;

RITÈNNIDU oportunu de chèrrere informare sos tzitadinos de Mara pro prevènnere dannos dàbiles cajonados dae fogos e assegurare un'innetadura de sos giardinis e ortos familiares, pro minimare puru s'istèrrida de babautzos comente orighina e musca etz...chi in istiu minetzant sos abitantes e sas domos;

ATESU chi, a fora de su decoru urbanu, est de importu salvaguardare s'incolumidade, sa seguresa e s'igiene de sos logos pro prevènnere cale si siat situatzione de perìgulu;

CONSIDERADU netzessàriu e urgente amparare sa salute pùblica a manera particolare adotende mesuras de preventzione contra a sa frebba "bottonosa" trasmìtida pro su prus dae s'orighina de su cane;

sincheradu chi sos acumprimentos sunt de cumpetèntzia de sos proprietàrios e de sos allogaderis de terrinos chi s'acarant peri sas istradas pùbricas;

BIDU

1. s'art.3, comma 3 de sa Lege 21/11/2000 n°353 "Lege cuadru subra de sos fogos in sos buscos";
2. su Pianu Regionale de previsionu, preventzione e ghera ativa contra a sos Fogos de sos Buscos 2020- 2022 aprovalu cun Delibera de Giunta Regionale n°15/07 de su 23/04/2021 e aggiornada cun Delibera de Giunta Regionale n°15/01 de su 02/05/2022;
3. s'art. 50 de su Decretu legislativu n°267/2000 Testu Ùnicu de sas Leges subra de s'Ordinamentu de sos Entes Locales;

RITÈNNIDU NETZESSÀRIU interbènnere cun provedimentu pròpiu pro disciplinare sa matèria pro garantire sa seguresa e s'amparu de s'incolumidade de pessones e cosas;

INTESU su parre de s'Ufitziu de Polizia Munitzipale e de s'Ufitziu Tècnicu.

ÒRDINAT

a totu sos PROPRIETÀRIOS E ALLOGADERIS DE TERRINOS AGRÌCOLOS DE SU TERRITÒRIU COMUNALE e a totu sos PROPRIETÀRIOS DE CORTES (ORTOS E GIARDINOS) chi sunt in su tzentru abitadu e àreas in fora de sa bidda de providire

intro de su 15/06/2022, a manera dereta:

1. A los innetare bene seghende-nde s'erva e fulliende-nche-la;
2. a decespugliare si in sa propriedade issoro b'at fenu e a pudare sos àrvures crèschidos fora de mesura peri sas manchinas o àteru materiale chi podet leare fogu peri sas istradas o in sas àreas respetivas de pertènèntzia;

3. a totu sos proprietàrios de terrinos agrícolas de fâghere, cunforma a cantu obligadu dae sas prescritziones regionales contra a su fogu, una doa idònea a inghèriu de sos terrinos lacanàrgios a su perimetru de sa bidda a sos fràigos de campagna e a sos cunzaos in ue b'at bestiàmene, larga a su nessi 5 metros, e a sa matessi manera, puru sos proprietàrios e sos allogaderis de terrinos chi sunt in àreas urbanas fora de sa bidda ant a providire a s'ammanadura, peri totu su perimetru de sa làcana, de doas idòneas de amparu a manera chi non b'apat peruna àrea chi podet leare fogu.

Chie non ponet mente a s'ordine dadu cun s'Ordinàntia est sugetu a sas santziones amministrativas gasi prevididas dae s'allegadu E "Prontuàriu de sas Santziones amministrativas" de sa deliberatzione de sa Regione Autònoma de sa Sardigna n°15/07 de su 23/04/2021, aggiornada cun Delibera Giunta Regionale n°15/01 del 02/05/2022, chi at pro ogetu sas Prescritziones contra a su fogu 2020/2022 allegadas a custa.

Responsabile de su protzedimentu est s'agente de PL Dut.ra Sechi Maria Sara.

AVERTET

Cunforma a s'art.3 comma 4 e art.5 comma 3 de sa Lege n. 241/1990 e m.i.i., contra a custa ordinàntzia est ammittidu recursu giurisditzionale, pro farta de cumpetèntzia, etzessu de poderiu o violatzione de sa lege, chi ant su T.A.R. (Tribunale Amministrativu Regionale) intro de su tèrmine de 60 dies dae sa notificatzione, o puru a manera alternativa, recursu istraordinàriu a su Presidente de sa repùblica intro de su tèrmine de 120 dies dae sa notificatzione (D.P.R. 234/11/1971, n. 1199).

Custa ordinàntzia siat publicada a s'Albu Pretòriu on-line, afissada in sas bacheca comunales, publicada in su giassu Internet de su Comune e notificada pro mèdiu de sa Pec pro sas cumpetèntzias respetivas.

Sa Politzia Munitzipale e sas àteras fortzas individuadas cunforma a s'art.12 de su Còdighe de s'Istrada nou, sunt incarrigadas de s'esecutzione e de sa vigilàntzia subra de s'osservàntzia de sa presente.

Mara, oe 31/05/2022

Su Sindigu
Dut. CHESSA PAOLO

. . .Còpia digitale de documentu informàticu firmadu e produidu cunforma a su Dlgs 82/2005 e normas respetivas cullegadas